



Broj: 05-04-20-4668-5/24  
Maglaj, 04.02.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-4666-3/24 od 27.01.2025. godine, u postupku javne nabavke „Izrada studije izvodljivosti/stručnog obrazloženja za zaštitu područja pećine Mokre Megare na teritoriji općine Maglaj“, Općinski načelnik donosi

## ODLUKU

o izboru najpovoljnijeg ponuđača

### I

Prihvata se preporuka Komisije za javne nabavke i ugovor o nabavci usluga izrade studije izvodljivosti/stručnog obrazloženja za zaštitu područja pećine Mokre Megare na teritoriji općine Maglaj dodjeljuje se grupi ponuđača O.D. „Natura Konsalting“ Sarajevo, vl. Jasminko Mulaomerović (predstavnik grupe ponuđača), UG „Fojničani“ Maglaj i SNIK „Atom“ Zavidovići, u skladu sa ponudom broj 1/25 od 20.01.2025. godine, po ukupnoj cijeni od 59.800,00 KM bez PDV-a (ponuđač nije PDV obveznik).

### II

Izabrana grupa ponuđača iz tačke I obavezna je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-4668-1/24 od 27.12.2024. godine, pokrenut je postupak javne nabavke „Izrada studije izvodljivosti/stručnog obrazloženja za zaštitu područja pećine Mokre Megare na teritoriji općine Maglaj“, putem otvorenog postupka. Predmetna javna nabavka objavljena je na portalu javnih nabavki, obavještenje o nabavci broj 1140-1-2-146-3-138/24 od 30.12.2024. godine. Sažetak obavještenja o nabavci objavljen je u „Službenom glasniku BiH“, broj 1/25.

Procijenjena vrijednost nabavke je 59.829,00 KM bez PDV-a, odnosno 70.000,00 KM sa PDV-om, a kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). U toku postupka, Komisija je zaprimila pristiglu ponudu, izvršila njeno otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljena samo jedna ponuda, i to:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	Grupa ponuđača O.D. "Natura Konsalting" Sarajevo, vl. Jasminko Mulaomerović (predstavnik grupe ponuđača), Udruženje građana "Fojničani" Maglaj, Sportski i naučno-istraživački klub "Atom" Zavidovići	Bajrama Zenunija 6, Sarajevo  Fojnica bb, Maglaj  Pinkasa Bandta bb, Zavidovići	31.01.2025. 07,50h	995

Neblagovremenih ponuda nije bilo.

Zaprimljena ponuda je prihvatljiva prema formi, obliku i potpunosti, odnosno dostavljena je u zatvorenoj koverti, na kojoj su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponude, prilikom čega je utvrdila da ispunjava zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ju je ocijenila prihvatljivom.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku usluga izrade studije izvodljivosti/stručnog obrazloženja za zaštitu područja pećine Mokre Megare na teritoriji općine Maglaj dodijeli grupi ponuđača O.D. "Natura Konsalting" Sarajevo, vl. Jasminko Mulaomerović (predstavnik grupe ponuđača), UG "Fojničani" Maglaj i SNIK "Atom" Zavidovići. Preporuka je, zajedno sa izvještajem o radu Komisije, dostavljena rukovodiocu ugovornog organa 04.02.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristigle ponude, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u

priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa cijenom koja ne prelazi osigurana sredstva za ovu nabavku, slijedom čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK  
Maid Suljaković

*Maid Suljaković*

